



Na osnovu člana 3. Odluke o pokretanju postupka za dodjelu stipendija redovnim studentima prvog i drugog ciklusa studija sa prebivalištem na području Zeničko-dobojskog kantona u akademskoj 2011/2012. godini, broj: 02-38-12449/12 od 31.05.2012. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

K O N K U R S

za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona u akademskoj 2011/2012. godini

Pravo učešća na konkursu imaju kandidati koji ispunjavanju sljedeće uslove:

- a) da su državljani Bosne i Hercegovine,
- b) da imaju prebivalište na području Zeničko-dobojskog kantona,
- c) da su redovni studenti prvog ili drugog ciklusa studija na visokoškolskim ustanovama u BiH ili izvan BiH, bez obzira na način finansiranja studija (redovni koje finansira osnivač visokoškolske ustanove i redovni samofinansirajući),
- d) da su ovjerali zimski i upisali ljetni semestar akademske 2011/2012. godine.

Pravo učešća na konkursu nemaju studenti koji u akademskoj 2011/2012. godini:

- a) koriste usluge smještaja i ishrane u studentskim domovima/centrima,
- b) primaju stipendiju po bilo kom drugom osnovu,
- c) obnavljaju godinu studija,
- d) imaju status apsoluta,

Pravo učešća na konkursu nemaju ni studenti koji su u akademskoj 2010/2011. godini ostvarili pravo na stipendiju kao studenti prve godine studija, a u akademskoj 2011/2012. godini ponovo upisali prvu godinu studija na nekom drugom fakultetu.

Uz prijavu na konkurs potrebno je dostaviti sljedeću dokumentaciju:

- prijava prebivališta,
- uvjerenje da je kandidat prvi put upisao odgovarajuću godinu studija u statusu redovnog studenta (**s obaveznom naznakom ciklusa studija i semestra**),
- svjedodžbe I-IV razreda srednje škole (za studente prve godine prvog ciklusa studija),
- dokaz o izboru učenika generacije (za studente prve godine prvog ciklusa studija),
- uvjerenje visokoškolske ustanove o svim položenim ispitima tokom studija sa izvedenom prosječnom ocjenom,
- izjava o zajedničkom domaćinstvu - kućna lista (ovjerenjena u šalter sali općine, ne starija od 6 mjeseci),
- dokaz o statusu i primanjima za sve članove domaćinstva (za zaposlene uvjerenjenje pravnog lica o prosjeku posljednje tri mjesečne plaće; za poduzetnike uvjerenjenje od nadležne porezne ispostave o izmirenim poreznim obavezama i uvjerenjenje o ostvarenom dohotku za 2011. godinu; za penzionere kopija čeka od penzije; za nezaposlene uvjerenjenje Službe za zapošljavanje: za nezaposlene koji nisu na evidenciji Službe za zapošljavanje kopija zdravstvene knjižice, za redovne učenike/studente uvjerenjenje o statusu),
- dokaz o socijalnom statusu (za studente bez oba roditelja),
- rješenje nadležnog organa o invaliditetu kandidata,
- izjava kandidata da ne prima stipendiju po bilo kom drugom osnovu (ovjerenjena u šalter sali općine).

Dokumenti koji se dostavljaju kao dokaz o ispunjavanju uslova moraju biti originali ili ovjerene fotokopije.

Konkurs ostaje otvoren 15 dana od dana objavljivanja.

Prijave na konkurs sa potrebnom dokumentacijom dostaviti na pisarnicu općine u kojoj student ima prebivalište ili putem pošte na adresu općine, sa naznakom „PRIJAVA NA KONKURS ZA DODJELU STUDENTSKIH STIPENDIJA MINISTARSTVA ZA OBRAZOVANJE, NAUKU, KULTURU I SPORT“.

Neblagovremene i nepotpune prijave neće biti razmatrane.

Dostavljena dokumentacija se ne vraća.

MINISTRICA

Bernadeta Galijašević, prof.